

Kiko ta e malesa Zika?

Zika ta un infekshon kousá dor di e vírus ZIKA. E vírus di Zika ta plama via piká di e sangura Aedes aegypti. Pues, e mesun sangura ku ta transmití e.o. Dengue i Chikungunya ta transmití Zika tambe. Ademas di haña e infekshon via sangura, científikonan a determiná ku por haña Zika tambe via di sèks.



Síntomanan

Despues di 3 pa 12 dia ku e vírus ta den bo kurpa bo por haña síntomanan manera:

- keintura;
- iritashon di kueru (rash/uitslag);
- wowítis of wowo hopi kòrá;
- doló di kabes, di kurpa i di skarniran;
- kurpa debil;
- i pia hinchá.

Síntomanan ménos frekuente ta doló patras di wowo (manera dengue), pèrdida di apetit, sakamentu, diarea i doló di barika.

E síntomanan por dura entre 2 i 7 dia.

Konforme informashon aktual Zika no ta un infekshon fatal, i Zika ta duna síntoma ménos fuerte ku Dengue i Chikungunya.

No tin tratamento pa Zika, ni vakuna pa prevení Zika.

Si bo sinti síntomanan paresido na esnan menshoná, akudí serka bo dòkter di kas. Dòkter por duna remedí pa aliviá e síntomanan manera keintura i doló.

Tèst di laboratorio pa Zika

Zika ta un infekshon ku ta relativamente deskonosí. Ounke e malesa ta konosí for di 1947, ta despues di e epidemia riba islanan di e nashon Micronesia na 2007, e ta mustra di tin potensial di bira un mas di e infekshonnan ku lo por plama riba mundu hinter. Pa e motibu aki tambe ta algun laboratorio so na mundu por tèst pa e vírus di Zika. Na momentu ku dòkter haña ku un pashènt tin síntomanan ku parse Zika e lo tuma e pasonan nesesario pa laga determiná ku enbèrdat ta trata di Zika.

Prevension

Komo ku ta via di piká di sangura por haña Zika e manera general pa prevení Zika ta di no kria sangura i no laga sangura pikabo.



Prevenshon

Komo ta via di piká di sangura por haña Zika e manera general pa prevení Zika ta di **eliminá sangura i no laga sangura pikabo**. Porfabor lesa e dokumentonan:

- ◊ Kon pa prevení sangura
- ◊ No laga sangura pikabo

Una bes tin hende malu ku e malesa di Zika den kas, importante pa NO laga sangura pika ni esun malu i tampoko esun ku ainda no a bira malu.

Ora un sangura pika un hende malu e sangura ta keda infektá ku e virus. E sangura infektá ta sigui pas'é pa otro hende i asina plama e malesa den bo besindario i henter Kòrsou.

Pa mas informashon tokante

- ◊ Malesanan transmití via di sangura por komuniká ku Epidemiologia i Investigashon (EPI) na ekstenshon 850 i/òf 851
- ◊ Molèster òf prevenshon di sangura por komuniká ku Departamento di Higiena Tèkniko (THZ) na ekstenshon 867 i/òf 858 .



Ministerio di
Salubridat, Medio Ambiente i Naturalesa

FOYETO DI INFORMASHON

ZIKA

Vershon 1.0
Sèptèmber 2015

Sangura ta **PELIGROSO!!!!**

**PA MOLÈSTER I INFORMASHON
TOKANTE SANGURA**  **9345**



MINISTERIO DI
**SALUBRIDAT, MEDIO AMBIENTE
I NATURALESA**

Sektor di Salú
Salubridat Pùblico UO G&Gz (ántes GGD)
Epidemiología i Investigación
Asuntunan di Higiena Tèknico
Komunikashon di Sektor di Salú
Piscaderweg # 49
Telefón (+5999) 462 2040
www.gobiernu.cw